

天一閣藏明代方志選刊

天一閣藏明代方志選刊

樂清縣誌

ED56/20

一九六四年一月上海古籍
書店據浙江寧波天一閣藏
明刻本景印原書版框高二
一·三公分寬一三·八公分

温州府樂清縣誌目錄

卷第一

建置沿革

分野

疆域

城池

里至

卷第二

山川

卷第三

坊郭鄉鎮 土產 貢賦

田土 風俗形勢 戶口

卷第四

學校 解舍 軍衛

壇場 鋪舍

卷第五

寺院 宮觀 祠廟

卷第六

橋梁

古蹟

卷第七

官蹟

人物

卷第八

僊釋

雜志

詩文

温州府樂清縣志目錄終

温州府樂清縣志卷第一

樂清縣

建置沿革

東晉寧康二年始分永嘉縣置樂成縣屬永嘉郡宋齊梁陳因之屬縉州隋省入永嘉屬枯州唐武德五年析永嘉復置屬東嘉州七年復省入永嘉又屬枯州載初元年復分置屬温州後梁開平二年錢氏以避梁祖諱改樂清宋因之為上縣元至元間驗戶數為下縣

國朝吳元年內

附仍為縣

分野

詳是府志

疆域

四境

東西相距二百五里

南北相距一百九十五里

東南距西北一百九十里

東北距西南二百六十里

城池

廢見古蹟

里至

四至

東至海渡一十里越渡至溫嶺一百

三十里為黃巖縣界

西至柘溪桐嶺六十里為永嘉縣界
南至海五里越海至玉環鄉南社一
百三十里為海洋

北至接莆嶺六十里為永嘉縣界
八到

東到黃巖縣界一百一十里自界到
縣二十里共一百三十里

西到永嘉縣界六十里自界到縣六
十里共一百二十里

南到大海洋一百三十五里

北到僊居縣界一百九十里自界到縣一百九十里共三百八十里

東南到大海一十里

西南到永嘉縣界六十里自界到縣六十里共一百二十里

東北到黃巖縣界一百二十里自界到縣六十里共一百八十里

西北到僊居縣界二百里自界到縣三百八十里共五百八十里

驛程

自縣治西南至

南京二千一十里

北京四千八百一十里

陸路

東至蒲岐千戶所三十里

西至盤石衛五十里

南至本縣石馬五里

北至永嘉縣一百二十里

水路

東至蒲岐千戶所一十五里

西至盤石衛六十里

南至楚門千戶所石九十里

三
西北至温州衛百二十里

温州府樂清縣誌卷之一

溫州府樂清縣誌卷第二

山川

縣後山一名翔雲峯在縣治後歷台之僊居及永嘉縣柵溪西北而來皆高山大谷至縣後雜沓若翔雲然縣治建于山麓

東溪山在縣治東北偏連石塘諸山折而東居縣之左

九牛山

謝公山在縣治東偏上有九大石橫列遠望若九牛然山之頂又名大尖山山南謝靈運曾

遊名謝公山

東塔山在縣治東偏其山聳起如圭形與西塔山相對為縣龍山高二百五十丈陰陽冢目為魁峯宋邑令葛逢以九牛大尖山石塔雷擊改遷塔于此故名

丹霞山舊名白鶴山在縣治西偏北接楠溪西抵白石山色多丹本名赤岩山唐天寶六年改名初晉張文君煉丹于此太守王羲之訪之文君遁入竹不獲見而去

題詠 唐郡守張又新詩

白鶴山邊秋復春張文宅畔少風塵欲驅五馬尋

真隱誰是當初入竹人

宋運使李建中詩

玉簫峯下僊君宅千樹岩花幾自春當日曾稽王
內史如何不見竹間人

簫臺山一名簫臺峯又名吹簫臺在縣治西偏
聚為三峯比諸峯高絕相傳為周靈王子晉吹
簫之所

題詠 宋邑令周邠詩

簇簇峯巒遍四圍神僊舊隱歎今非溪中不見金
沙出山外空驚白鶴飛石上瀑泉清照眼竹間嵐
氣冷侵衣玉簫聲斷人何處千古烟雲鎖翠微

西塔山一名馬院山在縣治西偏其山端整疎秀與東塔山峙之為縣虎山相去總二里高百五十丈下瞰阡陌登山而望市井民居衢巷如魚鱗然蓋一邑之山川氣聚悉聚于此

已上諸山俱係附縣山

石馬山去縣南五里其山三脊橫亘六七里為

縣按山

印嶼山去縣南五里正當縣之水口形若覆釜四旁無附為縣印山

已上三山本屬永康鄉以其為縣案山故載于此